


YEŋo

6

**SIGERE YU'URA LA  
BUDAANE LA PŊGENE  
KUMESEGO/KO'OM  
KI'A LA YABEGA  
ŊMIAA MALEMA**



# BUURI MALEMA DɔLEGA LA BUURI TIŊA BISEGA

## Buuri malema yela dɔlega

### PɔSEGA

Yenkuna yeti ku pa'alε fu la sigere yu'ura n boi Ghana tiŋa buuri tigera puan, bisera la sigere yu'ura la n ze'ele zi'an na fu buuri malema puan. Ba wan sunε fu ti fu baŋε sela n ta'ase la sigere yu'ura tuulum yela. Zamesekuna wa yeti ku sunε fu me ti fu iŋε pa'alε yu'ure sika yela bɔkere gee gārese gee na'ase Ghana duma n de seba, ba buuri malema la sela n de ba dine. Yeleŋo la kelum gāresa pa'ala la kumesego n dikeri nereba kī'ira bunkurene puan (budaane la pɔgene). Gāresego la wan ko'om kpa la yelesi'a ti ba ita kumesego la pɔsega, kumesego la puan la ku pooren fu buuri malema puan la baseba buuri malema puan Ghana wa. Fu me wan kelum zamesε budaane la pɔgene kumesego nimmu'ure yela n de si'a bɔ'ora seba n doli kumesego la puan tola la, bay ire duma la so'olum la zā'a. Fu nari ti fu ta'am gārese pa'alε yelesi'a n base ti bunkurene puan kī'a kumesego wa dena buyina bii bɔna yima yima Ghana duma buuri malema puan.

#### Yeleŋo wa san ta ba'aera, fu wan ta'am:

- Pa'alε sigere yu'ura n ze'ele zi'an na la sela n ta'ase.
- Gārese pa'alε sosi'a ti ba dɔla kumesera kī'isera bunkurene puan (budaane la pɔgene kumesego: pɔsega, kumesego la puan la ku pooren).
- Dike sosi'a ti ba dɔla kumesera nereba kī'isera bunkurene puan Ghana tiŋa wa buuri duma puan la magesε taaba.

#### Putī'ire Kankani

- Sigerε yu'ura ze'ele la sigere diyina puan na.
- Ba naε me la sia puan pankāra.
- Ba pa'ali yu'ure la daana bama tūusum naane.
- Budaane la pɔgene de la beense'ere ti kɔmpɔlego wan ta'am dɔge kɔma.

- Kumesego la vūure de la ba dixe nera pa'ale so'olum la.
- Budaane la pɔgene kumesego iti bo'ora la budibeto la pugeto zā'a sa.

## SIGERE YU'URA

Yu'ura asi'a boi me tu tara yesera la tumam la yaabeduma n lem taaba se'em. Yu-ana wa de la sigere yu'ura. Gee ti fu wan banε kāale sigere yu'ura wa, fu nari ti fu banε sigere n de sela.

### Sigerε de la beni?

Sigera de la yina. A de la sia puan pansu ti nereba kāabera gee sake ti a tari paŋa n wan ta'am sunε **maale ba yela bo ba**. Sigera tari la sia puan paŋa la yinum yiko. A ni bona la nereba sira sakersε la ba yela dɔlega puan. A ta'am dena yindɔ bii yinnya'aŋa. Magesε wuu Azerego, Akuta, Ananzī'ira, Abayaguŋa, Abɔlega, Awɔbegɔ, Akuka, Adundua. Ghana tiŋa wa puan, buuri woo tari ba sigera me ti ba sake sira bo. Sigeri'a n boi Ghana ti nereba mina a yele de la:

Ga: Dantu, Nae, Klote, La Kpa, etc.

Akan: Kune, Tegare, Nyamaa, Antoa, etc.

Dagomba: Tambo, etc.

Sige-ana bεε n boi yamam so'olum la ti nereba mina a yele?

### Sigerε Yu'ura

Sigerε yu'ura ni dixe sigε la neresaaaleba yesera ba sira sakersε la ba pu'usego soa puan. Sigerε yu'ura me kelum dena la yu'ura ti yεa/buuri, kɔrenkɔrum, pu'usego yeleŋo la buuri tara yesera ba bɔŋa la sigera la n ani se'em.

### Sigerε yu'ura asi'a

Ghana tiŋa sigera asi'a n ŋwana gā tilum wa:

1. Anlo duma n de Gbεesi bona Ho tiŋa puan la pu'useri la ba yaaba n de 'Afa' n de bagese'ere n biseri gee me kelum dena 'Bokɔ' n de bugera la dayɔkiima ti yu'ure la dena 'Amuzu'.
2. Kambusi me tari la yindɔɔɔ la yinnya'asi yima yima n boi dabesa yima yima puan. Bala la ba dɔge nera dabese'ere bakɔi la puan tari sela ita me la



nεra la yu'urε. Magesε wuu 'Adwo' de la Ateni daare yine ti ba tara sigera pugese to ti ba dɔge Ateni daare gee ti 'Kwadzo' me dena budibeto yu'ura.

Mɔ gee yi'ira sigere yu'ura la boi zuon la. Soke fu pa'ala ti a kelese fu yi'iri a se'em la. Fu mi sigere yu'ura asi'a ti a bona ya korenkorum la puan?

### **Sigerε yu'ura n ze'ele zi'an na**

Sigerε yu'ura n ze'ele zi'an na boi la yima yima pu'usego sore woo puan yesera sεba n sigeri gee tara yu'urε la sira sakerε la ba buuri yεla dɔlega puan. Magesε wuu Gbεesi sigere yu'ura ze'ele la Yεve n de saa tasega Yine zi'an na, Kambusi sigere yu'ura ze'ele la kulega puan na, Dangme duma sigeri ba yu'ura yesera la amaammaale Yine zi'an na la baseba.

Fu mi fu yu'urε la n ze'ele zi'an na?

### **Sεla n ta'ase sigere yu'ura bɔŋa**

Nεreba tari sigere yu'ura yesera la yεla zo'e zo'e n ni ta'ase. Ba dikeri sigere yu'ura sigera nεreba ti la pa'ala la sigere la tuuma, asi'a me yeseri la sigere la n ani se'em sia puan. Yεla asi'a yese la yelesunsi'a yeseri sigere la zi'an na gee ti asi'a me pa'ala korenkorum la buuri malema yεla puan bii sigere la n tableε iŋε sεla biŋε.

Le pa'ase, nεra la a pɔga san εεra dɔgum gee ka nyεta, ba ni biŋε la nuurε la yaabeduma bii tingane ti ba suŋε ba. Ba ni biŋε la nuurε gee dike yaabeduma la bii tingane la sigε la kɔma la ti ba luke ba nuurε la.

## **Sigerε yu'ura tuulum yεla**

Sigerε yu'ura tari la tuulum yεla zo'e zo'e sεba n pu'useri ba la vom puan.

Sεba n tari sigere yu'ura la n nyεti nyusetο n ŋwana gā tilum wa:

1. Naana pa'alego. Sigerε yu'ura la suŋeri mε ti tu ta'am pa'ala sigese'ere mɔpi ti nεra pu'usera la nεra la n ze'ele zi'an na.
2. La pa'ali la nεra la la a sigere la n ani taaba tapelapi se'em.
3. Sigerε yu'ura de la sεla ti ba iŋε biŋε tūsum puan ti la gu'ura buuri malema yεla la pu'usego sore yεla.
4. La pa'ali la dɔgereba sira sakerε.
5. Sira sakerε dise'ere yεla puan, sigere yu'urε la bɔ'ori la paŋa, gu'a la sia puan yiko.

### Tuune 6.1

1. Dike fumiŋa yebeba gārese pa'ale sigere n de sela.
2. Yayi yayi gulese Ghana buuri puan yu'ura pia gee pa'ale sigere yusi'a n boi a puan.
3. Dike sigere yu'ura la ti fu pa'ale fu togum puan la make la fu taaba n boi zamesego deo la puan gee togera togebumo nuu la. Maasum ti fu dike fu nye sela la sose pa'ale zamesego deo la.
4. Fu tari sigere yu'ure ti di dena fu yire bii fu yu'ure yia daana? Gulese fu yu'ure la n ze'ele zi'an la biŋe. La san ka bona, yi gārese pa'ale sigere yusi'a ti fu gulese la (i) n ze'ele zi'an na.

### Tuune 6.2

Gulese teebule wa nae la sigere yu'ura anuu, a ze'ele zi'an na, la sela n ta'ase

|   | Buuri tigere<br>(Ethnic group) | Sigere yu'ure<br>(Deity name) | A ze'ele zi'an<br>(Origin) | Sela n ta'ase<br>(Reason) |
|---|--------------------------------|-------------------------------|----------------------------|---------------------------|
| 1 |                                |                               |                            |                           |
| 2 |                                |                               |                            |                           |
| 3 |                                |                               |                            |                           |
| 4 |                                |                               |                            |                           |
| 5 |                                |                               |                            |                           |

### Tuune 6.3

1. Gulese yeleyine pa'ale sela soi ti nereba biŋera noa la sigera fu so'olemi.
2. Gulese sigere yu'ura yela atā nimmu'ure vōa bo'ora nereseba n tari yu'ura la.

## BUDAANE LA PɔGENE KUMESEGO (PUBERTY RITES)

Yelekuna wa gāreseri pa'ala la kumeseseko n doli fɔla zo'e zo'e dikera budibeto la pugeto kī'ira bunkurenε puan, tuunsi'a n tuni kumesego la pɔsega, ku puan, la kumesego la pooren buuri woo puan.

### Tī'isego sokere

Fum wan ta'am tī'ise bise gee pa'ale ingane yela atã n teeri fu iŋa puan ze'eta yuumpia ta paara yuumpia la anaasi puan?

### Budaane la Pɔgene de la beni?

La de la vom puan beense'ere ti budibela bii pugela ni sule gee me wan ta'am dɔge kɔma. Nuure zo'e zo'e, pugeto ni ze'eta la yuumpia ta paara yuumpia la anaasi gee ti budibeto me ze'eta yuumpia la ayi ta paara yuumpia la ayoobi (la me ta'am bɔna yima yima nera woo zi'an).

### Pugeto innaane teere

Teese'ere n ni bɔna pugeto innaane puan n bala gã tilum wa:

- Yagesi yalegere
- Lotema kãregerε
- Fisi kãregerε
- Sia sika/peere nyεa
- Bī'isa pusega
- Gãkɔberɔ la kelepɔgekɔberɔ pusega.

### Budibeto innaane teere

Tee-ana wa n ni bɔna budibeto innaane puan:

- Yo'ɔra la talama kãregerε.
- Gãkɔberɔ la kelepɔgekɔberɔ pusega.
- Nyu'ɔ la bɔgerɔ yalegere
- Insi mia
- Kunkore kãregerε.
- Ba zo'ori pa'asa me
- Neŋa/Iŋa kɔberɔ pusega.

Yele-ana wa n pa'ali vom la n boi beese'ere la n de **budaane la pɔgene**.

## Budaane la pɔgene kumesego yela

Budaane la pɔgene kumesego de la buuri malema n dikeri nera ze'eta biine puan ki'ira bunkurene puan. Ŋwana de la buuri malense'ere n tagele bia yu'ure sika poore n dikeri pugelepaalega bii budibelepaalega ki'ira bunkurene puan.

Teebule 6.1 n boi tilum wa pa'ali la budaane la pɔgene kumesego yu'ura n boi Ghana buuri baseba tigere puan.

| Buuri tigere (Ethnic group) | Pugeto kumesego malema yu'ure (Name of the rite for girls) | Budibeto kumesego la yu'ure (Name of the rite for boys) |
|-----------------------------|--|---|
| Ewe                         | Gbotowɔwɔ/Tugbewɔwɔ  | Tudedesi  |
| Krobo                       | Dipo   |   |
| Fante                       | Bragor   |   |
| Twi                         | Bragoro  |   |
| Akpafu                      | Iseyi  |   |
| Ga                          | Otofo/ Otsentse  | Plamatsemɔ/Butrumwɔɔ/<br>Dentuwɔɔ                       |
| Sissala                     | -  | Baala   |
| Vagla                       |  | Pellaa  |

Ba yi'iri budaane la pɔgene kumesego la beni fu buuri malema puan? Budibeto la pugeto zã'a nyaɲε **dɔla kumesego la puan tɔla? Kumesego de la beni?**

Kumesego de la malema bii dāalum n pa'ali ba dikeri nera ze'eta fole dise'ere puan ki'ira fole dise'ere puan ti ba yi'ira ti budaane la pɔgene kumesego. Ba ta'am kumese nera ki'ise lika tuuma puan, tigesɔ'a yela n ka nyeti bii sigε e ki'ise ba sira sakerε sore puan. Gee, kumeseseko ti tu sɔsera kalam wa de la seko n dikeri nera ki'isa bunkurene puan ti ba yi'ira ku ti, “budaane la pɔgene kumesego”.

## Kumesego

Sosi'a ti ba dɔla kumesera budibeto la pugeto boi la yima yima buuri woo malema puan yesera la buuri malema la n boi yima yima la zuo. Ba ni maasum se'em gee baɲε pɔse kumesego la, ba iti se'em kumesego la puan la ba ni iɲε se'em kumesego la pooren n bala gārese gā tilum wa.

## Budaane La Pɔgenε Kumesego Maasenjo: Yelesi'a N Ŋwɔni Taaba

### Pugeto Yabega Ŋmaa:

#### 1. Gee ti kumesego la baŋε pɔse

Dɔgereba la san nye ti ba poyɔɔsi la teeri pɔgesa'ara teere, ba ni pɔse maasena mε.

Nuure zo'e zo'e pugeto la san pɔse nyeta tu peere, ba ni dike tu doose la sosi'a n gã tilum wa puan tole:

- a. Pugela la san seke elega gee me wan ta'am tum pɔgetuuma la zã'a, ka dɔgereba n ni kiŋε ta tĩε pokubega.
- b. Ba ni viise mε baŋε pokubesεka n ta'am tuune la tuna suŋa suŋa.
- c. Pugela la san ka mina budaa, ba ni nyi'ise la si la pi'ɔ dike wampaale pa'ase
- d. Pugela la me san mina budaa, ba ni tari la duŋa pa'ase si la pi'ɔ la puan, dike wampaale la pa'ase tari ta bɔ pokubega la.
- e. Ba me ka nari ti ba parum.

#### 2. Kumesego la daare

Sela n ni iŋε kumesego la daare n ŋwana gã tilum wa:

- a. Ba ni tari pugela la kiŋε la pokubega la yire bii ba yi e ti a wa'am yire la puan na.
- b. Ba ni maasum pugela la mε yese ti pokubega la nyaa ŋma.
- c. Nεra n ni zĩ'ire pugela la pooren pire ka nu'usi la nama gee ti pokubega la ŋmata.
- d. Ba ni to'e la daam bɔ pokubega la ti a ka'ε base gee ti ba ta'am pɔse tuune la.
- e. Pɔgenya'asi me ka'ana pugela la ti ka ku'ε nini.
- f. Pugela la san ka mina budaasi gee ti pokubega la ŋmaε ba'ase, ka ni εke ŋme la nampole, ti pɔgenya'asi kelum kinkεlesi kerekεri.


Yese fɔɔra wa base





**Fig. 6.1:** A picture of initiate girls during 'Dipo' spiritual cleansing at puberty rite

Below are some examples of the initiates after the puberty rites



**Fig.6.2.** shows initiate girls adorned with beads after initiation (puberty rites)

### Kumesego la pooren

- a.** Pugela la dɔgereba nyaa wan tari si la pi'ɔ la wampaale la doose poore ta bo pokubega la.
- b.** Budaasi me nyaa wan pɔse lɛgera pugela la.
- c.** Nereba me ta'am pɛgera bii ɛregera pugela la, la ka dɔgereba.

Yese fɔra wa base



*Fig. 6.3. Shows initiate girls dressed in kente cloth after initiation (puberty rites)*

## Budaanɛ la pɔgenɛ kumesegɔ magesegɔ

**Yelesi'a n boi yima yima kumesegɔ sɔa la puan Ghana buuri malema duma la puan**

San dagi kumesegɔ yelesi'a n de buyina buuri yima yima puan, buuri woo me tari ba kumesegɔ me ti aɲa n bala gãresɛ bɔna tilum wa.

### Gbɛɛsi

1. Kumesegɔ la ta'am dike bakoi ta paara ŋmarega yesera la sɔ'ɔlenseka la sɛla n ta'ase la.
2. Ba ni yelege pugese to ti ba yeti kumesɛ la kaɛ gee base ti tu zɔduma kaɛ ta naɛ la tu de'ena gee kelum bɔna la tu kumesegɔ saɲa la puan.
3. Kumesegɔ la saɲa puan pugeto la ni ɔbera zela ti la pa'ale ti la deɲa dɔgum dɔalum.

## Krobo дума

1. Krobo дума ni sɔɛ la 'Nene Kloweki' n de ba tiŋa la tingane la na'are muule ti ba iŋe Dipo kumesego bɔ ba pugeto Gunfuko ŋmarega la puan gee ti la me ni dike la dabesa anuu (5).
2. Pugela la dogereba ni dike pugela la bɔ la yizuo la puan mina n biseri 'Dipo' malema la zuo la gee ti malema la baŋe pɔse.
3. Kumesego la puan, tindaana la ni ka'ase la ko'om gee kelum malum sia puan malema bɔ pugeto la n de wuu zuo kogere, gɔnɔ yea la yela asi'a.

## Ga дума

1. Ga дума iti 'Otofo' bɔ'ɔra pugeto bii saŋa kayima wuu la san nara.

## Kambusi

1. Malema la ni dike la dabesa anii (8) gee me ni pɔse la Ateni daare bii Atalaata daare.
2. Gee ti malema ni baŋe pɔse, tiŋa la pogenaba n ni viise pugeto sia puan la ingɔŋɔ zã'a ti a ta'am baŋe tu ka mi budaasi gee me ka tara pɔa.

Budaane la pogene kumesego malema wa iti ŋwani ŋwani fu buuri malema puan?

## Budaane kumesego (Ko'om kī'a)

Ko'om kī'a de la sela ti budibeto la ni iŋe **ba vom puan ti la pa'ale ti ba nyaa de la budaasi bii bunkureba.** Dwana pa'ale ti ba nyaa wan ta'am lagum tum budaantuuma la asi'a ba vom puan. Magese wuu ba wan ta'am yese yire, di pɔga, doge kɔma, lae kum la yela asi'a.

## Gee ti ko'om kī'a baŋe pɔse

- Budibela san ta sule ba'ase.
- Yizuo kiinduma ni lagese sɔse baŋe dabese'ere la kiinseka yire ti ba wan malum malema la.
- Bia la n nari ti ka mina yelesi'a gee ti ba pɔse kumesego malema la.
- Yizukima woo wan tari a kɔma kiŋe malema la puan.

## Ko'om kī'a la (puan) daare

- Ba ni kiŋe la bulika.
- Ba ni kɔ'ɔse la beela.
- Bia woo ni dike la ka tafɔ la pɛefɔ la.
- Ba zã'a ni kaɛ la gale la mum.

- Bia woo ni dike ka tafɔ la pɛɛfɔ la tɛ la gale la.
- Ba nyaa ni fo ba pɛema la mɛ.
- Ba ni k̄abe ki'ima la mɛ.
- Ba ni di la tiim sagebɔ gee sɔ.

### **Ba san k̄e ba'ase**

- Ba ni kina la daare woo bulika sɔɔra bala ta pae bakɔi ayi.
- Ba san ba'ase bala ba ka le kisa sela sela.
- Budibela la nyaa ta'am di pɔga.

### **Budaane la pɔgene kumesego tuulum yela**

1. La dikeri la nera k̄'ira bunkurene puan.
2. La bɔ'ori seba doli kumesego la puan tola la mi'ilensebo ti ba wan ta'am bɔna vom busebo puan la yela z̄alega.
3. La pa'ale ti nera la nyaa maasum ya ti a di pɔga bii a ele sira.
4. La maaseni budibeto la pugeto la mɛ sia puan la ingɔɔɔ puan.
5. La pa'ali budibeto la pugeto la vonsumɔ la hale sunɛ.
6. La pa'ali ba la ba buuri malema la daare woo vom yela tibesum.
7. La gu'uri la yalesi tuuma la akapire pae gee ḡa budaasi bii pɔgesi.
8. Malema la suŋeri pugrto mɛ ti tu lɔgerɔ tu zabeduma zi'an gee banjera budaanseka ti ba wan ele ti ka beere ta'am ba bisera suŋa suŋa.

### **Tuune 6.4**

Gulesε budaane la pɔgene kumesego la yu'ure n de se'ere biŋe gee dike fu lebesego la s̄se pa'ale fu taaba tigere puan.



**Tuune 6.5**

1. a. Pu ya taaba tigera puan bise fɔɔra wa suŋa suŋa gee ġrese pa'ale sela woo n boi pugeto la insi puan kumesegɔ la puan la. sɔ̄se pa'ale sela ti fu bɔta lɔgerɔ la puan.



Source: Mybrytfmonline.com/Obed Ansah (2021)



Source: cogadfw.org as cited in Ndetei (2018).



- b. Sɔ̄se pa'ale lɔgerɔ la ti ba ye la nimmu'ure yela.



2. Zaam zaam, dike budaane la pɔgene kumesego sinii n boi Gurene puan la ki'ise kalam: <https://www.youtube.com/watch?v=zpTdowLmxN8>.
  - a. Beni n ni iŋe gee ti budaane la pɔgene kumesego baŋe pɔse?
  - b. Biŋe sinii la yeŋera budaane la pɔgene kumesego malema la base ti fu nini bɔna kumesego la miŋa itego puan la ku itego la pooren.
  - c. Guleŋe tuunsi'a ayi ti fu nye sinii la puan:
    - i. Ba boi bini ita kumesego la
    - ii. Kumesego la itego pooren
  - d. Dike yelesi'a ti fu nye sinii la puan la sɔŋe pa'ale fu la seba lagum bɔna zamesego deo la puan la gee base ti fu nini bɔna yelesi'a n de buyina la si'a n boi yima yima Gurene budaane la pɔgene kumesego puan la.
3. a. Zamese foo-ana wa:



Source: Olivier Asselin as cited in Ndeti (2018)

- b. Dike fu zamese sela la gaŋese pa'ale sela n iti la.

#### Tuune 6.4

Gaŋese pa'ale yelesi'a ayi n boi yima yima la si'a n de buyina fu nereba kumesego sɔa la n dikeri nera ki'ira bunkurene puan la, la Ghana wa buuri bayi kumesego duma.

### Tuune 6.5

Fu zameseri Gurenε la, gulese kumesegɔ la n tari nεreba kī'ira bunkurenε puan la yεla atā ti fu wan bɔta ti fu tee bii fu base ti la bɔna wuusa gee pa'ale sε n soi. Dikε fu puti'ira sɔse pa'ale fum la sεba n lagum bɔna zamesegɔ deo kuyina puan la.

## REFERENCES

1. Agyekum, K. (2006). The sociolinguistic of Akan personal names. *Nordic Journal of Akan studies* 15(2) 206-235.
2. Nukuknya, G.K. (2007). *Tradition and change in Ghana: An introduction to sociology*. Ghana Universities Press.
3. Twumasi, K.D. & Adade, C. (2019). *Social studies in scope for JHS 1-3*. Kinddeh.

## AMAAMBISE SOKERE DUMA

### Sigerε yu'ura amaambise sokere duma

1. Gulese sigerε yu'ura anuu ti nereba tara fu so'olum la puan ti a dena ba yire yu'ura la so'olum la yu'ura.
2. Gulese sigerε yu'ura la a ze'ele zi'an na gee bona Gurenε puan la.
3. Gulese sigerε yu'ure n de poka la yu'ura atã n ηwoni sigerε yu'ura la bala.
4. Gãrese pa'ale sɛla n soi ti nereba wan sake ti ba dika sigerε yu'ura sigε ba koma ya so'olum la puan.
5. Gulese sigerε yu'ura nimmu'ure yela atã n de si'a bo'ora yu'ura la duma.

### Budaane la pogene kumesego amaambise sokere duma

1. Gãrese pa'ale fum boka budaane la pogene kumesego se'em.
2. Gulese gee gãrese pa'ale budaane la pogene kumesego nimmu'ure yela anuu n de si'a bo'ora fu so'olum la. Beni n soi ti a dena nimmu'ure?
3. Budaane la pogene kumesego la be boba ti fu ti'isa ti a nari teere? Gãrese pa'ale fu lebesego la.

# AMAAMBISE SOKERE DUMA LA LEBESEGO DUMA

## Sigerε Yu'ura Amaambise Sokere Duma La Lebesego Duma

Yelesi'a n boi tilum wa ta'am dena amaambise sokere duma la lebesego.

1. Sigerε yu'ura la asi'a n ŋwana: Adundua, Azerego, Ananzī'ira, Akuta, Abɔlega, Ayia la asi'a.
2. Sigerε yu'ura anuu la a ze'ele zi'an na Ghana tɔgum puan:

Dike sigerε yu'ura anuu la a ze'ele zi'an gulese iŋe teebule wa n gā tilum wa naε. Bise sela n gulese gā la gee me gulese sela n gee la naε.

|   | Sigerε yu'urε | Di ze'ele zi'an na                                   | Sela n sɔi                       |
|---|---------------|--|----------------------------------|
| 1 | Azerego       | Ze'ele la Yaaba tingane n biseri bidɔgebo la bumbɔre | bā'asi, nɔŋε, wuŋere la bidɔgebo |
| 2 |               |  |                                  |
| 3 |               |  |                                  |
| 4 |               |  |                                  |
| 5 |               |  |                                  |

3. Gurene puan, tu ko'om ka tara sigerε yu'ura n de pɔka yu'urε gee budaasan diŋe tara yu'urε la gee ti ba dɔge pugela ti la nara ti ba sigε ka sigerε la puan, yu'urε la nyaa ni tee mε. Magesε wuu Apirega (Apiregama), Akolego (Akolepɔka, Akolegoma), Azerego (Azeregoma). Apirega, Akolego la Azerego de budaasi sigerε yu'ura gee ti Apiregama, Akolepɔka, Akolegoma la Azeregoma dena pɔgesi sigerε yu'ura.
4. i. Nereba ni biŋe nuure tingama la yaabeduma zi'an εera la guum la nyiima sansεka ti dena ni bɔna.

- ii. Ti ba bɔ tingama la yaabeduma fara fara la sujese'ere ti ba tum bɔ la.
  - iii. Sia puan taaba du'a.
  - iv. La bama n nyε sɛla ba biŋe nuurε la yaabeduma di zuo la.
- 5.
- i. Sigerε yu'ura la sujeri mε ti tu baŋera nεra la n kãaberi sigese'ere.
  - ii. Sigerε yu'ura la ba'am kε̃ la buuri malema la sɔ'olum yεla puan pae, gu'ura yu'urε la daana tũusum nimmu'urε yεla.
  - iii. Sigerε yu'urε la dikeri la yu'urε la daana la sigerε la lagena taaba sia puan la sira sakerε la taaba.
  - iv. Ba sake sira ti sigerε yu'ura la bɔ'ori yu'urε la daana la paŋa, gu'a bii sia puan yiko.
  - v. Fu san tara sigerε yu'urε la bɔ'ori yu'ura la duma puŋise'ere n pa'ali ti bama laguma pa'ase sɔ'olum la puan gee dεna buyina.
  - vi. Sigerε yu'ura doose la tũusum wa'am na, gu'ura buuri malema la sira sakerε sore yεla.

## Budaane la pɔgene kumesego amaambise sokere duma lebesego

Sɛla n gã tilum wa de la amaambise lebesego duma la n bala.

- 1.
- i. Budaane la pɔgene kumesego de la buuri malene n dikeri nεra ze'eta biine puan kɔ'ira bunkurenε puan.
  - ii. Budaane la pɔgene kumesego de la buuri malene n tari pugelepaalega bii budibela ze'ele biine puan kɔ'ira bunkurenε puan.
  - iii. Budaane la pɔgene kumesego de la malema ti ba ni malum ti ba kumesε pugela bii budibela kɔ'ise bunkurenε puan.
2. Budaane la pɔgene kumesego yεla la tuulum yεla asi'a de la;
- i. La base mε ti pugeto ta'am nyɔkera tumisi budabɔrε la akapirepae gee nyɔke puurε deŋa n wan de ni sanε bɔ'ora yire la duma la sɔ'olum la zã'a waabi la.
  - ii. Pugela ta'am doose malema la puan nyε ligeri bii lɔgerɔ suŋε kaminja lebege nεra.



- iii.** Kumesego la suŋeri gu'ura la buuri malema la nereba la vom yela dɔla budaane la pɔgene yela zamesego la puan.
- 3.** Zĩsesi n nari ti ba maam bise bii n nari teere -
- i.** Pugeto la yuum ni bi la pɔgesa'ara gee ti ba nyaa baŋe ŋma bala la yuum ni base ti la wuna pugeto la me gee ba san te'ele ŋma ba kɔmbileene puan la wan ana suŋa.
  - ii.** Pokubesi la nari ti ba tara sela ita gee ŋmata ti too da bɔna bini gee ba ni kɔ'om ŋmata kãsa la n soɪ ti kaasega la ni kaasa la.
  - iii.** Lɔgeseto ti pokubega la yuum ni tara ŋmata la ta'am dikiẽ bã'a loŋe ayima. Ōwana wa nari me ti ba maam bise di zuo.
  - iv.** Budibeto la n yuum ni kɔ'ose beela la tari la nyane. Ba nari ti ba yeera la loŋero gee malena malema la.

# ACKNOWLEDGEMENTS



Ghana Education Service (GES)

